

## Yeshua, Esun Ungi di Israel i Juda; e Reino di Dios!!!

Pa e motibu aki **Yeshua, Esun Ungi** a bisa: "No kere of **pensa** ku **Mi** a bin pa **abolí** of **anulá** e **Lei òf** e **Profetanan**; **Mi** no a bin pa **abolí** of **anulá**, sino pa **kumpli** i **klarifika**. (**Mateo 5:17**).

**Yeshua: e Lei, e Enseñansa di Dios Tata!!!.**

**Awor** anto, si di **Bèrdat** bosò kier **Obedesé Mi Bos** i **Warda Mi Aliansa**, e ora ei bosò lo ta **un Tesoro Pekuliar** riba tur pueblo, pasobra **henter tera ta di Mi**; i bosò lo ta **pa Mi un Reino di Saserdotenan** i **un Nashon Santu**.<sup>1</sup> Esakinan ta e **Palabranan** ku bo mester papia ku e **Yunan di Israel**." (**Éksodo 19:5-6**).

Ora **bo dianan** keda **kumplí** i bo bai sosegá serka bo tatanan, **lo Mi lanta bo Desendiente** despues di bo, ku **lo sali for di bo**, i **lo Mi stablesé su Reino**. E lo traha **un kas pa Mi Nòmber**, i **lo Mi Stablesé e trono di su Reino pa semper**. **Lo Mi ta un Tata p'é** i e **lo ta un Yu Hòmber pa Mi**; ora ku e **kometé inikidat**, **lo Mi koregié** ku e **bara di hende** i ku e **sotanan** di e **yunan di hende**; ma **Mi Miserikòrdia lo no wòrdù kitá** for di **djé**, manera **Mi a kit'é for di Saul**, kende **Mi a kita** for di **bo dilanti**. I **bo kas i bo Reino lo Permanesé Mi dilanti pa semper**; bo **Trono lo ta Stablesí pa semper**." (**2 Samuel 7:12-16**).

**Yeshua: e Lei, e Enseñansa di Dios Tata!!!.**

I **Yeshua** tabata pasa den **henter Galilea**, i tabata **siña den nan snoanan**, i **proklamá e Evangelio di Reino** i **kura tur sorto di enfermedat** i **tur sorto di malesa** den e **pueblo**. (**Mateo 4:23**). "**Bendishoná ta esnan pover di Spiritu**, pasobra di nan e **Reino di Shelu ta**. (**Mateo 5:3**). **Bendishoná ta esnan** ku ta **wòrdù pèrsiguí** pa **kousa di Hustisia**, pasobra di nan e **Reino di Shelu ta**. (**Mateo 5:10**). Esun anto ku **anulá un di e Mandamentunan** di mas **chikitu aki**, i siña hende asina, **lo wòrdù yamá esun di mas chikitu den e Reino di Shelu**; ma **esun ku warda nan i siña nan na otro**, esei lo **wòrdù yamá Grandi den e Reino di Shelu**. (**Mateo 5:19**).

**E Reino di Shelu, ta e Reino di Dios Tata!!!**

Ma bosò ta **un Rasa Skohí**, **un Saserdosio Real**, **un Nashon Santu**, **un Pueblo Pekuliar**, pa bosò **por Proklamá e Alabansanan di Esun** ku a yama bosò for di **skuridat** na **Su Lus Maraviyoso**. (**1 Pedro 2:9**). E **Bèrdat** ta ku e **Reino di Dios ta pa tur hende** ku ta **Obedesé Su Bos**, tur **hende** ku ta **Obedesé Su Lei, Su Enseñansa**. E **Bèrdat** ta ku e **Reino di Dios ta pa tur hende** ku ta **Warda Su Preseptonan i Su Testimonianan**. E **Bèrdat** ta ku e **Reino di Dios ta pa tur hende** ku ta **Obedesé Su Mandamentunan**. E **Bèrdat** ta ku e **Reino di Dios ta pa tur hende** ku ta **duna Reverensia na Dios**. E **Bèrdat** ta ku e **Reino di Dios ta pa tur hende** ku ta **Stima Dios Su Huisianan**. Ta pa e **Bèrdat** aki **Yeshua ta bisa**; "**Stima SEÑOR bo Dios** ku **henter bo Kurason**, i ku **henter bo Alma**, i ku **tur bo Forsa**, i ku **henter bo Mente**; i bo **próhimo** manera bo **Mes**." (**Lukas 10:27**).

2 ougùstùs 2020

Sea Bendishoná ku e **Amor di Dios Tata; Yeshua Mesias**  
**Un Fiel Sirbidó di Dios,**  
**Remsly L Riley**